


საქართველოს მემკვიდრე



№
7


1920 წ.
იანვრის 1

ფასი 6 ლ.

ო. ი. შლინგ

ახალი წელი. ჯერ ფეხი არ შემომიდგამს და ამდენი ტვირთი კი ამკიდეს.


წარჩინებული უცხოელი.



დეკემბრის 31-ს ქ. ბაქოდან საგარეო საქმეთა სამინისტროში შემდეგი შინაარსის დებეზა მოვიდა: — გატყუბინებთ, რომ ღამის თორმეტ საათზე, თფილისში ჩამოვა წარჩინებული უცხოელი. მიაი მოგზაურობის მიზანი საიდუმლოებით არის მოკული. სასურველია, რომ ჩვენი მთავრობა ღირსეულათ დაუხვდეს მას. აღვილობრივ დიპლომატიურ წრეებში დაეინებით ამაობენ, რომ ამ უცხო სტუმრის აზრს გადამწყვეტი მნიშვნელობა ექიება ჩვენი დამოუკიდებლობის საკითხისათვის.



საგარეო საქმეთა სამინისტრომ დაუყოვნებლივ გაგზავნა თფილისის სადგურზე მინისტრის ამხანაგი ნ. ქარცივაძე და ბ. ნი მელიქიშვილი საპატიო უცხოელის შეიახვედრაო. შეხვედრამ ფრიად სასიამოვნო შთაბეჭდილება მოახდინა როგორც სტუმარზე, აგრეთვე მასპინძლებზე.




უცხოელის ჩამოსვლა საიდუმლოთ მოხდა, მაგრამ ქალაქს გლეხის სისწრაფით მოედო ეს ცნობა


და ვზაში, სადგურიდან ვიდრე სასტუმრო „ორი-ანტამდე“ ქუჩები აღტაცებული ხალხით დაიფარა. ოვაციებსა და ვაშის ძ ხილს ბოლო არ უჩანდა.



უპირველეს ყოვლისა უცხო სტუმარმა მთავრობის თავმჯდომარე ინახულა. ნოე ნიკოლოზის ძემ მამა პაპურ ბუხართან მიიწვია სტუმარი და მეგობრულმა საუბარმა 47 ნახევარ წუთს გასტანა, რის შემდეგაც უცხოელი დამფუძნებელ კრების სხდომაზე მიიპატიჟა მასპინძელმა.




„დამფუძნებელი კრება“ ამ დროს ფრიად საყურადღებო საგანს არკვევდა. საკითხი შეეხებოდა ზამთარში შეშის საქირობას. ამ დებულებას თავისებურის მქერმეტყველობით ებრძოდა სოციალისტრეველი უციონერთა ლიდერი ივანე გომეჩია; პატივცემული სტუმარი ორატორის სიტყვამ მხიარულ გუნებაზე დააყენა და ბევრი აცინა.



ბ. ქალაქის თავს წინდაწინვე განზრახული ჰქონდა ჩვეულებისამებრ პურ-მარლით შეეგებებოდა


იშვიათ სტუმარს, მაგრამ ვინაიდან სახელდახლოთ ქალაქში არც პური აღმოჩნდა და არც მარლი, მხოლოდ მარლიანი სიტყვით გაუმსპინძლდა წარჩნებულ უცხოელს. და სთხოვა მას, კეთილ ენებები და დაეთვალე რები ჩვენი დედა ქალაქის ღირს შესანიშნავი დაწესებულებანი და ადგილები.




უპირველეს ყოვლისა უცხოელმა ინახულა ქალაქის მუზეუმში სასახლის პირდაპირ. ქალაქის მოურავმა განუმარტა სტუმარს, რომ ამ შენობას მეოთხე ადგილი უჭირავს მსოფლიო საკვირველებათა შორის შემდგომად ბაბილონის გოდოლისა, ეგვიპტეს პირამიდებისა და ეფელის კოშკისა და საერთაშორისო ზავის ჩამოგდებს უფრო აღრე უნდა მოველოდეთ, ვიდრე ამ მუზეუმის დამთავრებას.



შემდეგ დათვალე რებულ იქმნა ვერის ხიდი. სტუმარი დააინტერესა იმ გარემოებამ, რომ ამ ხიდს ყველანი გარს უვლიან და ზედ არავინ გადის, მაგრამ როდესაც ჩვენმა მოურავმა აუხსნა, რომ ეს ის ხიდია, რომელიც აწერილი აქვს კრილოვს ერთ-ერთ არაკში და რომელიც ცრუ კაცს ვერ იმაგრებს და ტყდება, უცხოელმა თითონაც აღარ მოისურვა ზედ გავლა და ქალაქის თავთან ერთად ტრაპეზის დასათვალე რებლად გაემგზავრა.



უცხოელი მეტად გააკვირვა ჩვენი ტრამვის მშენებელი ა მდგომარეობამ. მან განაცხადა, რომ აზიის მრავალი უდაბური ადგილები გამოიარა და არსად ამ ტიპის ვაგონები არ უნახავს და ქალაქის გამგეობას მისი გეგმა სთხოვა.



ქალაქის წყალსადენის ნახვამ უცხოელი ალტაცებაში მოიყვანა და კითხვა-კითხვზე მიაყარა ქალაქის ინჟინერს.

— რათ არის ღია ეს მილი ქუჩაში? — კითხვა სტუმარმა.


— ეკონომიის მიზნით, ბატონო! როდესაც მილი ქუჩაში ღიაა, ბინებში წყალი ვეღარ ადის და მდგმურები ვეღარ ხარჯავენ...

— კარგი, მაგრამ, რატომ ასე მცირე ნაკალი მოდია მილში?

— აქაც ღრმა და მნიშვნელოვანი მოსაზრება გახლავთ: ჩვენ გვეშინია, მკვარი არ დაგვიშრეს და ყარაიზის მამულები მოურწყავად არ დაგვირჩეს.



შემდეგ უცხოელს უჩვენეს ერთად-ერთი ელექტრონის სანათური, რომელიც ქალაქის გამგეობას დიდს სიფრთხილით შენახული აქვს (აგანგებო ყუთში).




როდესაც ქალაქის მოსურავმა წარჩინებულ უცხოელს დაათვლივინა ჩვენი ორი შესანიშნავი თანბაქოს კარხანა „მირისა“ და ენფიანჯიან კისა, საღე-ღელ—აშლილმა სტუმარმა დაუყოვ ებლივ და-სლო ეკონომიური ხელშეკრულება ჩვენ რესპუბლიკისთან.



— ეს, თქვენო აღმატებულთავ, ტილეფონზე მოუშვიე ქალი გახლავთ... საბრალო, ყრუ არის, რადგან ჩაირიცხებთან თუ არა ამ სამახურში, ყვე-ლანი დაუყოვნებლივ ყრუვდებიან.


შედეგ სტუმარმა გოვირდის აზანო ინახულა. მექისის დახელოვნებულმა მასაჟმა დიდი შთაბეჭდი-ლება მოახდინა უცხოელზე და განზრახულ ბანაო-ბაზე უარი ათქმევინა.



მოსწავლე ახალგაზრდობის ნახვამ და მათი სა-ხის გამომეტყველებამ უცხოელს თვალ-წინ დაუხა-ტა დადებული მომავალი საქართველოს რესპუბლი-კისა.




რესპუბლიკის შვიარადეულ ძალთა დათვლიერებამ ძვირფას სტუმარს ამ ძალებთან დაუყონებლივ ბრძოლის წყურვილი გაუღვიძა.




როდესაც უცხოელმა ქალაქის განაპირა ადგილებზე ზელოვნურად გაშენებული ბაღები დაათვალიერა, საოკარი რამ მოხდა. მიუხედავად იმისა, რომ მას აკაკის სახელიც კი არასოდეს არ გეგონა, აღტაცებით წარმოსთქვა:


— ცა-ფირუზ, ხველეთ-ზურმუხტო, ჩემო სამშობლო ნხარეო!




რესპუბლიკის ფულების საბეჭდავი მანქანა რომ იხილა, უცხოელმა გულწრფილად წამოიძახა: — ეხლა კი მრწამს, რომ საქართველოს ფინანსიური მომავალი მკვიდრ ნიადაგზე არის დამკარგებული!



შემდეგ წარჩინებული სტუმარი ჩვენი ახალ-
გაზრდა სენატის სხდომას დაესწრო.



ჩვენმა ნიკიერმა მოქანდაკემ იაკობ ნიკოლაძემ დაატკბო უცხო სტუმარი თავისი 25 წლის ნამუ-
შეგარის დათვლიერებით.




ამის შემდეგ უცხოელი სრულად საქართველოს
კათალიკოსთან გაემგზავრა, მიიღო წმინდა მამის
ლოცვა-კურთხევა და მოახსენა:

— ძლიერ მოხარული ვარ, თქვენო უწმინდესობავე! ქართველი ხალხი იმდენათ მორწმუნე ყოფილა, რომ თავისი საკუთარი კათალიკოსიც კი ჰყოლია.



უცხო სტუმრის სახელმწიფო თეატრში შესვლისთანავე ორკესტრმა და ხორამ კომპოზიტორ ფოცხვერაშვილის ლოტბარობით შესრულა ჩვენი ეროვნული ჰიმნი.




თეატრის კომისარმა ალ. წუწუნავამ აღფრთოვანებულ სიტყვით მიმართა სახელოვან სტუმარს და სხვათა შორის სთქვა:


— მე მოხარული ვარ რომელიც რომ თქვენ მობძანდით და ალტაცებით ვეგებებით თქვენს მობრძანებას, რომელიც რომ თქვენ აქ ჩამობრძანდით ჩვენს მთავრობასთან ერთად!



წარმოდგენის შემდეგ საპატიო სტუმარს გარე-
შე საქ'ეთა სამინისტრომ „ორიანტში“ ბანკეტი
გაუმართა.



შეზარბოშებულმა სტუმარმა ბანკეტის შემდეგ
მოისურვა გორგიჯანოვის „ტრიატრ ტეოლიში“
წარბრანება თვალისთვის წყალის დასაოფეინებლად.



ინცინდენტში ჩაერია ჩვენი ფრთხილი და თა-
ვაზიანა ილიცია.



გორგიჯანოვის თეატრში უცხო სტუმარს ფა-
თერაკი შეემთხვა. სრულიად უნებლოედ მან თეა-
ტრის ქალწულთაგანს სტოლ-ქვეშ ფეხზე ფეხი
დაადგა. ამის გამო მოხდა რომანიულ ნიადაგზე
შეტაკება.



უცხოელი მეთე ზბნის კომისარიატში მიიყვა-
ნეს და ოქში შეუღვინეს.

— თქვენი სახელი და გვარი? — შეეკითხა უც-
ხოელს კომისარმა.

— 1920 წელი გახლავარ, უპასუხა მ.ნ

გ ა ფ ი ც ვ ა .

„ისე ვენდობი პრისტავსა,
როგორც საკუთარ თავის თავსა.“

ს. ზურგიელიძე.

იმდენათ გაკირდა მდგომარეობა, რომ სახალ-
წლო წერილისათვის დიდო მგონის აზრდელი გა-
მოვიწვიე, მისი სახელი შევაწუხე.

მაგრამ ჩემი მდგომარეობისთვის სხვა, ამაზე
მეტად შესაფერი წინა იტყვა ყოვლად მოუხერხე-
ბელია არა თუ გამოსძებნოს, არამედ წარმოდგენი-
თაც წარმოიდგინოს ადამიანის ოცნებათ.

პირველ ყოვლისა მკირეოდენი ფაქტიური
განმარტება მგონის სიტყვებისა.

„თვის თავი“ ნამდვილის მისის მნიშვნელობით
არ უნდა გავიგოთ. ეს არ ნიშნავს თვის დასას-
რულს, ე. ი. იმ დროს, როდესაც მოხელე ჯამა-
გირს უნდა იღებდეს, არამედ ნიშნავს „თავის
თავს“.

როცა ამას გავითვალისწინებთ, მაშინ ჩვენთვის
თითქოს გაუგებარი გამოდის მგონის თქმათა აზ-
რი. როგორ? სოლომონი ისე ენდობა პრისტავს,
როგორც თავის თავს?

ეს შეუქლებელიაო! შესძახებს ყველა, ვინც
პატივსა სცემს მგონის სახელს. მე კი ამას არ
ვიტყვი, ვინაიდან „კარგ მთქმელს კარგი გამგონე
უნდა“ და მე მხოლოდ წუხელ გავიგე დიდებული
მგონის ღრმა თქმულებათა მნიშვნელობა.

მე ჩემს თავს გაცილებით უფრო ვენდობოდი
ვიდრე საუკეთესო პრისტავს, დარწმუნებული ვი-
ყავ, ის არასოდეს არ მიღალატებდა, ჩემს ნება
სურვილს თავისთვის კანონათ ჩაითვლიდა და მის
აღსრულებაზე არასოდეს უარს არ იტყოდა. დიხა,
მე ამაში მუდამ ღრმათ ვიყავ დარწმუნებული.

ახალი წელი კარზე მოგვადგა. ამ ახალი სტი-
ლის შემოდებამ მაინც უფრო მოგვიახლოვა ტანჯვის
დღე. მანამდე ულტიმატუმი დამისვა: — ორშაბათს
მთელი მასალა, სამშაბათს გვერდების შეკერა*) — წი-
ნააღიღევ შემთხვევაში არ მოესწრობო.

მე არხინად მოვისმინე ულტიმატუმი, ვინაიდან
„თვის თავის“ იმედი გაცილებით მეტი მქონდა, ვი-
დრე პრისტავის.

— მილოცვები, პატარა ფელეტონები, გამოცა-
ნები, დეპეშება, ლექსები, იგავ-არაკები... რომელი
ერთი მოეთვალაო, მოესდგები ამაღამ და სამოც ფურ-
ცვლ ქაღალდს გადავაჭრებ... უმჯობესია მოკლე-
მოკლე და კარგ-კარგი მასალა.

ასე ფიქრობდი მე გუშინ წინ საღამოს, როცა

*) ლაპარაკი ქურნაღის გვერდებს ეხება.

ძველი წლისაგან სამიოდ მზის ამოსვლა იყო დარ-
ჩენილი.

ყველაფერი უკვე მზათ მქონდა: ბუხარში ცეც-
ხლი გუგუნებდა, თავწაოლილი კარანდაშები შუბე-
ბივით მეწყო ჩემ საწერ მაგიდაზე, მოგრძო ქალა-
ღის ზოლები დასტა-დასტათ ელაგა იქვე და სამი
ლაშა ელექტრინისა საერთო ძალით აფრქვევდა
სხივს ჩემს ოთახს.

— აბა დავიწყოთ, მეგობარო!

მოკრძალებით და ალერსით ვსთხოვე მე ჩემს
თავს, რომელსაც, როგორც მოგახსენეთ უფრო ვე-
ნდობდი, ვიდრე პრისტავს.

არავითარი პასუხი.

— მე შგონა მილოცვებით აჯობებს დაწყება.
თუმცა, სიმარათე გითხრა, თავი მოგვაბეზრა ამ
მილოცვებმა... მე საზოგადოთ წინააღმდეგი ვარ
მაგრამ რას იზამ ჩვეულება ასეთია...

სრული დუმილი, სრული უყურადღებობა!

— რას შეუბი კაცო? ვეკითხები მე ჩემს თავს,
რას მიპირობ? ხომ გახსოვს, რა გეითხრა მანამდე?
თუ მილოცვები არ გინდა, სხვა რამე გეითხარი, აი
თუნდ გამოცანა?

სამარის სიჩუქე და მყუდროება იყო პასუხი ჩემი
მუდარისა.

— ბეკო, რა დავეპარა, შე ოხერო? გავიგონია
ასეთ დროს დამუნჯება? აი, მოდი ერთი შარადა
მაინც დავსწეროთ. ეს ხომ ადვილი საქმეა, შეჩვე-
ული ქირია. მაკვირვებს ღმერთმანი შენი საქმე. რა
დაგეპართა, კაცო, რა ნახე, რა ღმერთი გაგაწყა-
ო?

ის კი, ის პატივცემული ჩემი თავი, თითქოს არც
ესმის ხაზინის სიტყვებით, სდუმდა, როგორც მარ-
მარილოს ქანდაკება.

— ამანავო, გამაგებინე მაინც რას მიპირობ.
მითხარი რასა მთხვოვ, რათ ჩავიკმენდია ხმა, რით
გაწყენინე, რით შეიძლება შენი გულის მოგება.
ხომ იცი, ჩემო ძვრფასო, თუ დღეს ხუთი კალო-
ნის მაინც რამე არ დავსწერეთ ხვალ მანასეს ვერ
ვეჩვენებთ. ბეკო, შე თათარო, ერთი პატარა ფე-
ლეტონი, თუ გინდა აი ამ ახალი წლის მარხვაში
გაღმობანის შესახებ მაინც დასწერე! სად გაგონილა
კალანდა მარხვაში, ან შობა კალანდის შემდგ? და-
იწყე თუ ძა ხარ...

ერთი სიტყვა წამლად მაინც ამოხდინოდა ამ
გაჯიუტებულსა და გარინდ ბულ ვაჭბატონს! ნათ-
ლად შევატყვე რომ ის გაფიცული იყო. აქ იქვი
მიუტევებელი იქნებოდა, მაგრამ მე მაინც იმედს არ
ვკარგავდი.

— ნუ თუ ასეთ გასაქარის დროს მიღალატებს
ეგ ოხერი? ვფიქრობდი მე — მართალია გაფიცვა მხო-
ლოდ მაშინ იციან, როცა გასაქარს ხედავენ ბატო-
ნებისას, მაგრამ ჩემი თავი, ჩემთან ერთად შეზრდილი
ქარსა და ლხინში განუყრელი, მუდამ განუშორე-
ბელი და ასეთი სისათუთით განებივრებული რო-

გორ მილაღატებს და გაჭივრების დროს როგორ გა-
მეფიციება?

— ჩემო კარგო, ჩემო ძვირფასო! მითხარი მაინც
რაზე ხარ გაბუტული. კაცო, თუ ამასაც არ იტყვი,
მაშ რა ჯანაბა გიყო? რისთვის გინდა, ძმაო, ეს
ახალი წელიწადი წამამწარო?

ის ყურსაც არ ანძრევს, თითქო ჩინურად ვე-
ლაპარაკებოდე. არა, ქეშმარიტად გაფიციულია.
ეს მას არასოდეს არ უქნია. პირიქით, გასაჭირის
დროს ყოველთვის თითონ იძლედა ინიციატივას;
მე მისი დამშვიდება მჭირდებოდა. ახლა კი სდუმს,
როგორც ეგვიპტის მუმია, როგორც საფლავის
ქვა.

— მაშ გაფიციული ხარ, აა? გაიფიციე ხომ?
„დუმილი თანხმობის ნიშანიაო“ ამბობს რუსული
ანდაზა. კარგი, ვსთქვათ გაიფიციე, შე კაი კაცო,
მაგრამ არ უნდა მითხრა რისთვის გაიფიციე? ბიჭო,
მოთხოვნილებას თუ არ იტყვი, როგორ უნდა
აგისრულო? სად გაგიგონია შენ გაფიცივას თან მო-
თხოვნილებათა სია არ ახლდეს? „მეფე გულში
მღეროდა, ყმებო ბანი მითხარითო“, სთქვი მაინც
რა გინდა, მწვადი გინდა?

ჩემ თავს თითქო ჩაეცინაო. მაგრამ ეს სიცილის
იმდენათ ჰგავდა, რამდენათაც მისი დღევანდელი
საქციელი აღრინდელს.

— ეს არ გინდა, ის არ გინდა, მაშ რა ღვთის
რისხვა გინდა! ახლა ისეთი დროება დაგვიდგა,
რომ იქნებ მინისტრობაც გინდა მომთხოვო.

მე ვიგრძენი, რომ მან დააპირა რიდაცის თქმა,
მაგრამ მყისვე გადაიფიქრა და ჩვეულებრივი ღუ-
მილი ბოლომდე გაიყოლია.

თითქო განგებო, დრო განსაცვიფრებელის სი-
სწრაფით მიჰქროდა. მეზობლის ოთახიდან დან-
ჯღრეული ხმა კედლის საათისა წამაღუწუმ მამც-
ნევდა ახალი წლის მოახლოებას და ჩემს უნუგეშო
მდგომარეობას თვალწინ მიყენებდა.

„ისე ვენდობი პრისტავსა, როგორც საკუთარ
თვის თავსა“ უნებლიეთ გამახსენდა მე მგონის
დიდებული სიტყვები.

უკვდაო სოლომონ! ახლა, მხოლოდ აი ამ
უჩვეულო და მუხანათურ გაფიცივის შემდეგ გავი-
გე მე შენი თქმულების სიღრმე, მისი აზრების სი-
უფსკრულე. დიახ, მართლაც ისე უნდა ენდო თა-
ვის თავს, როგორც პრისტავს, ვინაიდან გაჭი-
ვრების დროს, თურმე ისიც გილაღატებს და გა-
გწირავს.

დიდ არს, სულმნათო, სახელი შენი, მაგრამ
მრავალ არიან, გვამნი რომელთაც ჯეჯ ვერ შე-
უგნიათ თქმათა ქეშმარიტება და რომელნიც უზო-
მო ნდობით აღჭურავენ თავთა თვისთა.

მე კი, ჩემო ძვირფასო მკითხველო, და უძვი-
რფასესო სოლომონ, ეს დღე განსაკუთრებით აღე-

ნიშნე**) ჩემს დღიურში, როგორც პირველი დღე,
დღე უჩვეულო.

— დღეს გამეფიციე მე საკუთარი თავი. მას
არავითარი მოთხოვნილება ჩემთვის, როგორც მისი
ხაზინისათვის არ წარმოუდგენია. ცხადია, გაფიცივა
პოლიტიკური ხასიათისა იყო.

ეშმაკი.

ახალი წელი.

ახალი წელი, რომელსაც ველი
ახალი სტილით, ქიფით, ლხინით
ეშმაკსა ჩვენსა რომ მიულოცო
დეკემბრის ოცო!
(იმა ძველ სტილსა) ნუ ეწყინება,
რაკი „გუნებამ“ ასე ინება.
ორი მაქვს შობა, ორი „კალანდა“
(პური კი ერთიც ვიღამ დალანდა?)
უნდა დავჯერდეთ თეთრი მჭადითა.
(ისიც გაძვირდა ჭამის მადითა)
„ბასილეს“ რომ ღორი უნდა,
წელიწადს ვინმეს დაუდგე თუნდა
და განუწყვეტილგ რომ ემსახურო,
ღორისა ფასი ვერცკი დახურო.
მაშ რათ ვილოცო ან რა ვიხარო,
მკითხონ ამ ქვეყნად რაღათ ზიხარო,
რა უზასუხო ეშმაკს ან ლმერთსა
(თუმც მოვირიგებ მათგანში ერთსა)
და მოვახსენებ: „იქნება ზავი“
ისემც მიცოცხლოს ვილსონის თავი,
ან იქნებ „გვიცნოს“ ლოიდმა ჯორჯმა
(სად მიგვიყვანა დრომა და ბორჯმა),
ან ნათლიობას გვიზამს კლემანსო
ფრანგული კბილი უფრთხის ტყემალსო.
იმედი, რამ ვსთქვა სანოვავზე?
კბილის დაჭერა მიჯობს ბაგეზე,
სხვაი ან თავი რით ვანუგეშო,
სიცივი გვაზრობს, ყვრივართ უშეშო.
სირცხვილის ოფლი რით მოვიხიოცო,
ხაზინ ეშმაკს რა მიულოცო?
სახლში მისხია მე მანდარინა
(და თუ მივაგენ ეშმაკის ბინა)
მოვწყვეტ მიუძღვნი ბარე ორ კაკალს
და მიულოცავ წელიწადს ახალს.

ბუტუნა.

**) და არა ხაზის გასმით.

ახალი უებარი წამალი ეოველგვარ სენისათვის

„ეჭმაკის მათრახი“.

ეველა ექიმები ერთხმად აღიარებენ, რომ „ეჭმაკის მათრახი“ ნამდვილი რევოლუცია მოახდინა სამკურნალო მეცნიერებაში.

„ეჭმაკის მათრახი“ ქიმურ ლაბორატორიების გამოკვლევის თანახმად წარმოადგენს შესქელებულ სიცილს, რომლის წვეთები ჰკურნავს ეოველგვარ სნეულებას.

„ეჭმაკის მათრახი“ ხელს უწყობს სისხლის მოძრაობას და სწობს სისხლ-ნაკლებობას.

„ეჭმაკის მათრახი“ ჰკურნავს ჭლექს, რადგან სიცილისაგან სკდება ფილტვის მუწუკები.

„ეჭმაკის მათრახი“ სწობს გუჭის გატარს.

„ეჭმაკის მათრახი“ ჰკლავს მელანქოლიის ბაქტერიებს!

„ეჭმაკის მათრახი“ წარმოადგენს აგრეთვე უსუნოეიერეს ნივთიერებას: დღევანდელ შიმშილობის დროს „ეჭმაკის მათრახი“ — მისწრებას: ვინც სანთავის ნაკლებობას განიცდის, ვურჩევთ შეიძინოს „ეჭმაკის მათრახი“ და წაუკითხოს მშიერ ცალ-შვილს: — სიცილი და ავიწეებს მათ შიმშილს!

ექიმებმა საბოლოოდ შეიმუშავეს შემდეგი რეცეპტი „ეჭმაკის მათრახიან“ წამლისა.

Rp. „ერთობა“ — 0,0.

„საქართველო“ — 0,00.

„სახლობა“ — 0,000.

„ეჭმაკის მათრახი“ — 100,0.

M. D. S. თითო ცალი, კვირაში ერთხელ.

ვაცხადებთ ყველას საპურადღებოთ რომ ავთიაჰემა დაიტაცეს „ეჭმაკის მათრახი“ და, ჩვეულებისამებრ ერთი ათასად ჰყიდიან ამ ეუბარ წამალს.

ახქარდით და შეიძინეთ ჰირდაზირ ჩვენგან.

ჩვენთან ღირს — ცალი 6 მანეთად.

ახვლედიანის და სხვა აფთიაქებში — ცალი 6000 მანეთად.

ახალი წელიწადი.

მაძა-შეილი.

(გურული სენა)

ვაი რაღა დედოფლა ქვეყანა და წახდა დროი... უწინდელ დროში, რომ ჩამოქცნიდი ჩიჩილას, გაუკეთებდი ქანქილას, გაუკაცობდით დევექელს, ხაქაურს, ავაქვირბი დორს, შეფწავდი გოქს, ამაქაფქაფებდი ღოშს, მევიავებდი საქმეს და დევიწყებდი წმინდა ბასილის გალოცვას, გავამსებდი გობს, გვეილოდი გარედ და დევიძახებდი: „კარი გააღე“

— რა მოგაქვ?

— რა მოვაქ და თეთრი, საქონელი, წმინდა ბასილის წყალობა: ოქრო ვერცხლი, ყაჭი, აბრეშუმი, სიმინდი და ღოში ლობიე, და ცერცივი, მსხალი და ვაშლი, ნიგოზი და თხილი, სამე მოვაქ ყორიფელი, ნალიე და ბედელი, ჯამჯამე და სარეკელი, ჯანჯუხა და ტკბილის კვერი, ჩიხრისი და საჩქელი წიფლის შეშა საყადელი, ჩერიე და კვირის თავი, ბაზა, მატყლი შესასტავი, სიხარული და კაი აშავი, სამე ქური და სამე წისკვილი, ჩვენ დღენძელობა და მტერს სიკვდილი. გამიღე დენ კარებს შვიდოდი სახლში, შამევიარდი წაღმა მუაზნევი ჩხოის კაკალს და ვიტყვი: დმერთო და წმინდა ბასილის მადლო ასთე ააფხე ჩემო ვოჯახი მეთქი, გამევილოდი გარედ და ვბრიგებდი კიდეც ჩემს მაქახელას, მარა წროულს, რომ ვინმე დამიძახოს, რა მოგაქო, უნდა უთხრა: სიმშილი და სიცივე, უბედურება და წახდენის დღეი, არაა ქადი ჩხუბში წადი, არაა ღოში ყოოლთვეს ომი, არ გაქ ფული გიკვდება გული, არ გაქ საქმელი, არც ტანსაცმელი, არცა ღორი არცა გოქი, არცა ქათამი არცა მამალი, ავათ გყავს ვინმე არ გაქ წაშალი, ტიფი ოხრად, ფილტვების ანთება, ერთს თუ გაღურჩი მეორე გემართება, აქით ყვავილი, იქით სახალი მოთხოვნილობა გადასახადი, არ გაქ ურემი, გუთანი კავი, საქონელს ქირი, ძაღლებს წელკავი თუ ღმერთმა ქნა და ახალმა წელიწადმა რამე კაი და ახალი მოგვიტანა თვარა, ძველი წელიწადი წვეიდეს და დენიკინის ოჯახში შევიდეს.

რ. ჯიბილ.



მეკვიდრობის კანონს დიდი მნიშვნელობა აქვს ცხოვრებაში. ამ კანონის ძალით ყოველსავე მკვიდრეს დაბადებიდან თან დაჰყება ხოლმე საუკუნოებით დაგროვილი განსაზღვრული თვისებანი მშობლებისა და წინაპრებისა.

მაგრამ ამავე მეკვიდრობის კანონს კრიკაში უღვას მეორე ძლიერი ფაქტორი, რომელიც ხშირად ებრძვის პირველს, ანელეს მის გავლენას, ხან ავად და ხან კარგად სიცვლის ხასიათის იმ თვისებებს, მეკვიდრობის ბრმა კანონს რომ დაუნერგავს.

ეს მეორე ფაქტორი არის თვით ცხოვრების პირობათა გავლენა, საზოგადოება, ოჯახი და სხვა.

მაგალითად, მშობლების პირადი გავლენა, მათი გამოცდილება, მათი სულიერი ავტორიტეტი დიდ როლს ასრულებს აღზრდის საქმეში და ამ გავლენას მოკლებული კაცი ხშირად ასცდება ხოლმე ქეშმარიტ გზას და ისე დაიბნევა ცხოვრების ბილიკზე, რომ ხან და ხან საბედისწეროთ გადაიჩეხება წყედიადით მოკულ უფსკრულში...

ჩემთვის სრულიად უღავო და აშკარა შემდეგი დებულება:

კაცობრიობას რომ მარად ეამ უბედურება ატყდება თავზე და არასოდეს ხანგძლივად არ გაუღიშებს ბედი, იმის გამო ხდება, რომ ყოველი ახალშობილი წელიწადი მოკლებულია მშობლის გავლენას, ერთხელ დალაპარაკებასაც ვერ ასწრებს მამასთან და ფხს რომ შემოადგამს ცხოვრებაში, მიმავალი ძველი წელის მოხრილ ზურგს მოჰკრავს ხოლმე თვალს და გამოუცდელი, ხაში, ქუა-დაუმჯდარი იწყებს ქვეყნის მძივე ტვართის ზიდვას.

1919 წელმა ჩაალაგა თავის სამგზავრო გუდაში საგზალი—მ გირვანქა ცივი ქადი და მოხარული ღობიო—და წასასვლელად მოემზადა.

რალაც მეოთხედი საათი-და რჩებოდა სულ მისი წასვლის ეამამდე.

მგზავრობის არ ეშინოდა მას, არც სანანურად რჩებოდა რამე ამ ქვეყანად, და როგორც განგების მორჩილსა და დისციპლინის გრძნობით გამქვალულ აღაშიანს შეჰფერის, უღრტიენველად და თითქმის გულგრილადაც მისჩრებოდა ქალაქის გამგეობის კოშკის საათს, რომლის დიდი ისარი ზღაზვნით

შიიწვედა 12-თან მიახლოებულ პატარა ისრისკენ.

ასე იღვა უძრავად რამდენსამე წუთს და არავითარი გრძნობა არ აღელვებდა მის გამოფიტულსა და დაქანცულ გულს.

უკვებ მოხუც წელს შეაჩრქოლა, რაღაც უჩვევმა ნაკადმა დაუარა ძარღვებში და მთელი სხეული შეუტორტმანა.

— რას ნიშნ ვს ესა? გაიფიქრა მან და გულში ისეთმა ტკბილმა და თან ნაღვლიანმა გრძნობამ გაუთამაშა, რომ უნებურად დაიძრა და რამდენიმე ნაბიჯი გადასდგა გამგეობის შენობისაკენ.

საკვირველი იყო, რომ ის ტკბალი და სევდა-ნარვი გრძნობა თან და თან იზრდებოდა და ავესებდა ცალიერ გულს, თითქოს რაღაც ძალა ტალღებს უკზანინდა მას შორიდან, ნაზად ჰბოქავდა და თავისკენ იზიდავდა.

საათს როდი-და უყურებდა ახლა მოხუცი, კოშკის წვერს მისჩერებოდა დაქინებით და გაფაციცებით, თითქოს გრძნობდა რომ იქ, იმ წვერვალზე უნდა გამოჩენილიყო საოცარი ძალის მფლობელი ვინმე, ასეთი ნაზისა და უჩვევი ძაფით რომ ეზიდებოდა თავისკენ აღოვებულ გულს.

— შეილი... ჩემი შეილი! — წაილულლულა 1919 წელსა, რადგან მიხვდა, რომ ეს ძალუმი გრძნობა, მთელი მისი გაგულგრილებული არსება რომ შეეპყრო ასე ერთბაშად, მხოლოდ მშობლიური სიყვარულის გრძნობა უნდა ყოფილიყო.

— გა-ნე-მზა-დ! — მოესმა მოხუცს ფოლადიანი ბრძანება, რომელმაც ისე დაჰფარა ყოველივე, როგორც ზეცა ჰფარავს ღეღამიწას.

მოხუცმა ტანჯვით მოსწყვიტა თვალი კოშკის თავს და ზევით აიხედა: ვარსკვლავებით მოჭედნილ ცაზე გარუხბულაყო შავ-წაქოსასხიანი ვინმე, რკინასავით მტკიცე და წერასავით უღმობელი.

მოხუცმა კარგად იცოდა, რომ იმის სურვილს-და ბრძანებას ვერსად წაუფიქროდა, გრძნობდა, რომ ყური-მოჭრილი მონა იყო იმისი, მაგრამ ისე გარდუვალი იყო მას გულში გაღვივებული მშობლიური სიყვარული, იმდენათ წარმატაცი იყო ოცნება და იმედი შვილის ნახვისა, მისი ხმის გაგონებისა და ხელის შეხებისა, რომ ვეღარ მოითმინა და შეევედრა:

— მხოლოდ ერთი წუთი, ერთი წუთი მარჯუქ მხოლოდ, თვალი მოვჭკრა... დავინახო და შემდეგ მიბრძანე წასვლა!

ის კი სლუმდა პასუხად და ეს დუმილი ისეთი მკაცრი და საშინელი იყო, რომ ვერავითარი რისხვის ხმა ვერ შეედრებოდა.

მაშინ მოხუცმა ოინს მიმართა:

— მე კლდევ (ამეტი დღე მაქვს ვადა... ყველა ახალი სტილით როდი ითვლის დროს... უმეტესობა ისევ ძველ სტილს ანგარიშობს... ამეტი დღის შემდეგ წავალ მხოლოდ... მანამდე ფენსაც არ მოვიცვლი აქედან.

თითონვე გაუკვირდა თავისი თავხედობა და კადნიერება.

— ენახოთ! — წარმოსთქვა იმან და შეიკრა შავი წამოსასხამი და ჰაერში ისეთი ხმაურობა გაისმა, რომ ურიცხვ ფასკუნჯთა ვეებერთელა ფრთების ერთბაშა და ძლიერ მოქნევასა ჰგავდა.

დიდი ისარი დაეწია პატარას და საათმა 12 დაჰკრა.

— ჩემო შეილო! — აღმოხდა მოხუც წელს და კოშკის თავზე გამოჩნდა მშვენიერი ყრმა, ნაზ ვარდისფრად გაშუქებული და ხელებ-გაშლილი დაეშვა მოხუცისაკენ...

ძველმა წელმა გულში ჩაიკრა თავისი პარმშო ახალი წელი და რამდენსამე წუთს მამა-შვილი უძრავ ქანდაკებასა ჰგავდნენ.

— დროს ნუ ეკარგავთ! — დაიწყო თავდავ-წყებისაგან გამორკვეულმა მამამ, ტრამვის სადგურის სკამზე ჩამოჯდა და შვილი მუხლებზე დაისვა.

— ყური დამიგდე... ასეთი ბედნიერება არასოდეს განუცადია არც ერთ განვლილ წელს... პირველი მე ვარ, რომ შვილს გხედავ და ველაპარაკები. დიდ ხანს არ გატანს ჩვენი სიამე. სადაცაა, კვლავ გაისმება მრისხანე ხმა... მაშ სიჩქარეა საჭირო. შენ გამოუტყველი ყრმა ხარ, მე კი ბევრი რამ ვიცი და მინდა დარიგება მოგცე... მაშ ყური მიგდე და კარგად დაიხსოვ, რასაც გეტყვი. ეს ჩემი ანდერძი იქნება.

— სთქვი, მამა ჩემო! — წატიტინა ახალმა წელმა: სიტყვას გაძლევ, შენი ანდერძი მტკიცედ შევასრულო.

ბავშვმა მოხერხებულად მოიკალათა მამის მუხლებზე და ყურადღებით მიაჩრდა მას.

მოხუცმა ნაზის ალერსით გადაუსვა შვილის ხელი თმა-ხუტუქა თავზე და დაიწყო:

— მენ დღეა, რაც მე აქა ვარ. შანსავით ბედნიერი რომ ვყოფილიყავ და მამა-ჩემი, 1918 წელი, რომ დამხვედროდა, როგორც მე დაგიხვდი შენ, ასე ტუდათ არ გავატარებდი ამ მენ დღეს. ყველაფერი კი ჩემი გამოუტყველობისა და ახალგაზრდური მეტიჩარობის ბრალია... მოვედი თუ

არა და თვალი მოგავლევ ირგვლივობას, ისე გამოიტაცა ცხოვრების საერთო კორიანტელმა, რომ თავი ველარ შევიკავე და გავყვივი მას, როგორც ნაფოტი გაჰყვება მღელვარე ზღვის ტალღას. მე სრულიდ დამაფიწყდა, რომ ჩემი ერთად ერთი მოვალეობა დროს თვალყურის დევნება იყო და სხვა. არაფერი... ჩემს პირდაპის საქმეზე ხელი ავიღე და მეც იმ თავშეუკავებელმა პატივის მოყვრების ჟინმა ამიტანა, რომელიც ყველას მოსდებოდა ამ ქვეყანაში. უპირველეს ყოვლისა ძალაუფლების მოპოვებამ ამიშალა საღერდელი და სოც. დემოკრატიულ პარტიაში ჩავეწერე. თუმცა ბალლი ვიყავ, არც ცოდნა მქონდა, არც გამოცდილება, მაგრამ ამას არ შეგვებუე და მინისტრის პორტფელისაკენ გავიწიე. ბედმა გამიღიმა, საწადელს მივადწიე და სულ ცოტა ხანში მე, უფიცი და მეტიჩარა ბალლი, მინისტრის ამხანაგად გავხდი. მთელი ჩემი მოღვაწეობა ამ თანამდებობაში, რა თქმა უნდა, შეცდომებისა, თვითნებობისა და მამლაყინობის განუწყვეტელი ჯაჭვი იყო. ეს გარემოება მე სრულიადაც არ მაწუხებდა რადგან ჩემი უმძაფრესი სურვილი, ძალაუფლების მოპოვება, მბრძანებლობა, — შევისრულე. მხოლოდ მაშინ შევიგენი ჩემი ყოვლად სასაცილო მდგომარეობა, როდესაც ჩემი უწყება დალუპვის კარამდე მივიყვანე. აქ გაიღვიძა ჩემში სინდისმა და მინისტრის ამხანაგობაზე ხელი ავიღე. ეს იყო ჩემი პირველი და სასტიკი დამარცხება ცხოვრებაში... მომეცი სიტყვა, შეილო, რომ შენ ჩემს მავალითს არ მიპაბავ, პატივ-მოყვარეობის ფუქსავატურ ჟინს გულშივე ჩაიკლავ და მინისტრის პორტფელისაკენ არასოდეს დაიწყებ ცქერას.

— გაძლევ სიტყვას! — უთხრა პატარამ.

— შემდეგ, — განაგრძო მოხუცმა: — ჩემდა საუბედუროთ მწარე გამოცდილებამ ქუთა ვერ მასწავლა და ახლა მეცნიერის სახელის მოხვეჭის სურვილმა შეიპყრო ჩემი არსება. თავი გამოვაცხადე ლეიბციგის, პარიზის, ოქსფორდის და ნიუ-იორკის უნივერსიტეტების დოქტორად და ინდაურივით გაფუყული ჩივილი სახელმწიფო უნივერსიტეტში. აქაურ პროფესორთა კოლეგიამ აღტაცებით მიმიღო და დაუყონებლივ მემომთავაზა სამი კათედრა ერთბაშათ. შენ თითონ წარმოიდგინე, როგორი პროფესორი უნდა გყოფილიყავი მე, რომელმაც არცერთ იმ მეცნიერებათა ანა-ბანაც არ ვიცოდი და ლექციებს კი ვკოახულობდი დიდის რიხითა და ფახი-ფუხით. და აი, როდესაც ჩემი

აუდიტორიები უდაბნოს დაემსგავსა. ხოლო ერვენის მოედანი, გოლოვინის პროსპექტი, სამიკტრონიები და ყავახანები კარგი პროფესორის აუდიტორიასავით გაივსნენ სპეკულიაციით გატაცებულ სტუდენტებით, მივხდი, რა ბოროტმ საქმედებასაც ჩავდიოდი და პროპესორობაზედაც ავღე ხელი. ახლა შენ მეორე სიტყვა უნდა მომცე, შეილო: არასოდეს არ ინდომო პროფესორობა, თუ არ გინდა თავის შერცხვენა და ახალგაზრდა თაობის დალუპვა.

— გაძლევ სიტყვას, მამა! — უთხრა პატარამ.

— მეცნიერების ტაძრიდან ხელოვნების ტაძარში გადავინაცვლე. ისე მძაფრათ ამიტანა დაფინის გვირგვინით თავის შემკობის წყურვილმა, რომ სინდისზე ხელი ავიღე და მოვხსენი თავი ყველა აქაურ ხელოვანთა უშვერლანძღვა-გინების გუდას. ყოველ გზა-ჯვარედინზე იმას ვამტკიცებდი, რომ ყველა სხვა ხელოვანი უნამუსო შანტაჟისტი და მატყუარა იყო და მხოლოდ მე ვიყავი ნამდვილი ქურუმი ხელოვნების ჩემმა ოინმა გასკრა და სულ მალე მართლაც დაფნით შემიმკეს შუბლი. მაგრამ ამ დაფნის გვირგვინმა ეკლის გვირგვინსავით დამიწყო ჩხელეცა და იძულებული გავხდი მომეხბადა... მომეცი სიტყვა, შეილო, რომ ხელოვნების ქურუმობასაც არ წაეპოტინები!

— სიტყვას გაძლევ, მამა! — უთხრა პატარამ.

— ვინ იცის, კიდევ რამდენი პროფესია და ხელობა გამოვიცვალე ჩემს სიცოხლეში და ერთხელაც არ ჩავფიქრებიავარ იმას, თუ რამდენათ შემწევედა ნიჭი და ცოდნა ამა თუ იმ საქმისთვის. პირიქით. სწორედ იმას ვკიდებდი ხელს, რისიც არა გამეგებოდა-რა. ჩემმა დაუდგრომელმა, ხარბმა და მოუსვენარმა ბუნებამ ურიცხვი ბოროტება და უსინდისობა ჩამადენინა; დრო რომ მქონდეს, შეილო, და არ ვგრძნობდე, რომ სადაც არის გაისმება ზეცაში უღმობელი ხმა, რომელიც მე და შენ გავვაშორებს, დაწვრილებით გაიმპობდი ყველა იმ შეთხვევას, მე რომ თვალი ამიხილეს და ბოლოს და ბოლოს ჩემი ფუქსავატი ცხოვრების ამაოება დამანახვის. ახლა კი, დროს უქონლობის გამო, იძულებული ვარ, მოკლედ მოგიკრა: ყველაფრის მიზეზი ჩემი მეტიჩრობა იყო. მეტიჩრობა, აი ის საშინელი სენი, რომელმაც ამირია ცხოვრების გზა და მწარე სინანულის კარამდე მიმიყვანა. დაიხსომე ეს და სიტყვა მომეცი, რომ არასოდეს შეეჩხირები იქ, სადაც შენი საქმე არ იქნება. დასდე ჩემს წინაშე ფიცი, რომ მხოლოდ შენი

მოვალეობის ასრულებას შეუდგები და, რაც შენს მოწოდებას არ შეადგენს, იმას არ წაებოტინები.

— ვფიცავ, მამილო! — უთხრა პატარამ.

სწოედ ამ დროს პაერში ხელახლა მოისმა უცნაური ხმაურობა მრავალ ფასკუნჯთა ფრთების მოქნევისა, ცაზე კვლავ განერთხო ის შავმოსასახამიანი და წარმოსთქვა თავისი უღმობელის ხმით:

— შენი თხოვნა არ იქმნა შეწყნარებული! წადი!

— მშვიდობით! — დაიკვნესა ძველმა წელმა და მხურვალედ ჩაიკრა გულში თავისი შვილი.

სათის ისრები ისევ თორმეტზე გაყინულიყვენ უძრავად, და მხოლოდ მაშინ დასტოვეს ეს ციფირი, როდესაც ძველი წელიწადი მოშორდა თავის შვილს, აიღო თავისი გულდანაბადი და გაემგზავრა.

— სიტყვას არ უღალატო, შვილო! — მოაძახა უკა-


ნასკნელად მაჰამ ახალწელს: მეტიჩარობას ერიდე!

როდესაც მიმავალი ძველი წელიწადის ზურგი მიიმაღა სიბნელეში, ახალმა წელმა თვალი მოავლო ერეენის მოედანს, დაჰკრა ფეხი, აფრინდა პაერში და შიგ კოშკის საათში შეიმაღა, იქ, სადაც მექანიზმია.

— აი ჩემი მოვალეობა! წარმოსთქვა მან და გულმოდგინეთ დაათვალიერა და დაასუფთავა ქრონომეტრის ყველა ბორბალი და მარქვალი.

დარწმუნებული ვარ, მამის ანდერძი ფუქათ არ ჩაივლის შვილისათვის და ახლად დამდგარ 1920 წელს გასული წლების მეტიჩრობის სახსენებელიც მოისპობა.

თავუნა,



ძველი და ახალი.



ძველი! აი, ჩემო პატარავ, კარგათ მიატყვე ყურადღება აქ ამ ორ ზღვითა შუა ვილაც ბიჭი ჩამჯდარა.
მე ვერ ვიციანი. იქნებ შენ იცნო.

ახალი. ნუ გეშანია, მაპილო: მე ვიცნობ, უთუოდ ვიცნობ!

